



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé
Médecine
Paris

QUÆSTIO MEDICO-CHIRURGICA *

*QUOD LIBETARIIS DISPUTATIONIBUS
manè discutienda in Scholis Medicorum, die Martis vigesimâ-primâ
mensis Martii, anno Domini M. DCC LXXXVI.*

M. CLAUDIO FRANCISCO GRANDCLAS, Equite, Stanislai I,
Poloniarum Regis, olim Consiliario Medico, & Regionum Exerci-
tuum à Consiliis medicis, Doctore Medico, Præside.

*An simplicia Pulmonum Vulnera acie factâ, solis Diatâ & venæ
sectione sanentur?*

I.

PULMO præcipuum corporis nostri organum velut ma-
chinæ libramentum spectetur. Vitiato ipsius motu, vitiatur

* Propug. anno 1740, à Lud.-Alexandro VIEILLARD; Præs. M. Michaële PROCOPE-COUTEAUX.

2
& cordis motus, vitiatur sanguinis circulatio, vitiantur functiones omnes. Ipsi inflictum vulnus sin lethale, saltem periculosissimum. Impossibilis externa curatio. Elegantioribus digitis non datur aditus. Irrita sunt cujuscunque generis topica. Inutilis ipforum-met Chirurgorum Parisiensium per totam Europam jure & meritò celebrata dexteritas, non manu, non oculo, sed consilio opus est.

I I.

QUÆ instrumentis secantibus infliguntur vulnera, periculi minùs portendunt, ac quæ causam habent catapultam, sclopetumve quodlibet. Ubi nulla adest partium dilaceratio, ubi nulla substantiæ deperditio, exulat jam suppuratio. Id unum intendat Medicus, ut citam coagmentationem obtineat, solutumque adunet. Licèt structa sit divinitùs Pulmonum substantia; licèt aptissimi sint-Pulmones subeundo muneri ipsis ab Autore Deo imposito; iisdem tamen quoàd essentiam, partibus constant, ac molles aliæ corporis partes; membranis videlicet quæ venas & arterias utriusque generis, demùmque nervos obvolvunt. Ergò-ne, si secti sint, peculiarem sibi curationem expostulant?

I I I.

PARTIUM coagmentio opus naturæ & arcanum. Munere suo fungi nusquam recusat benigna illa mater. Qui ipsam à proposito deterreant, si qui sint, removendi tantùm obices. Hos inter præcipui eminent *Plethora*, inflammatio, *dispnæa*,

tussis importuna, febris, spirituum animalium motus irâ vel timore perturbatus, succorum crassities & acrimonia. Quæras ergò quibus auxiliis solidorum quieti possis consulere; humorum effervescentiam compescere, spirituum animalium motus sedare, fluida emendare. In promptu sunt venæ sectio & diæta.

I V.

VENÆ sectione deplentur vasa, parciorem sanguinis copiam propellunt cor & arteriæ, minorem experiuntur renixum, minor itaque parietum distensio, evanescit, si quis adest *Eretismus*, relaxantur fibræ, ad sese invicem accedunt, ipsarum quâcumque acie sectæ junguntur extremitates, & Naturâ duce conglutinantur. *Diætæ* nomine, non omnium intelligas alimentorum abstinentiam, quin immò; sed ea feligas quæ simul medicamenta sunt & alimenta. Sint diluentia, levia, lenientia; his tùm solidorum, tùm fluidorum compescitur motus, spiritus animales sedantur, edulcorantur sanguis & lympa, denique obtinetur gluten ad partium coagmentationem necessarium.

V.

MITTAS ergo thecam aperire; abstine à specillo, nunc quid prodest? Perniciosum est curiositatis instrumentum. In thoracem si fluxerit sanguis, præscribatur *Empyema*, vel dilatetur externum vulnus; alioquin illud penicillo obsera, ne penettet aër. Habitâ virium & symptomatum ratione iterùm & sæpiùs celebrentur venæ sectiones, eas si comitetur diæta punctum Archimedis attigisti, nec te pudeat. Conque-

rantur ignara plebs mulierculæ exhaustas ægrotantis vires,
fufumque largâ manu cruorem; sine ipsas vociferari, age:
quisque suam exercere debet artem.

*Ergò simplicia Pulmonum Vulnera acie factâ, solis Diætâ & venæ
fectione sanantur.*

DOMINI DOCTORES DISPUTATURI.

- | | | |
|--|---|--|
| <i>M. Jacobus DE WENZEL, Sti.
Imperii Baro.</i> | <i>M. Paulus - August. - Olivarius
MAHON DE HOUSSAY.</i> | <i>M. Joannes MAC - MAHON,
antiquus Exercituum Regis,
& Nosocomiorum Militarum
Medicus, Regiæ Scholæ Mi-
litaris Medicus ordinarius.</i> |
| <i>M. Henricus-Hercules CHAM-
PAGNE DU FRESNAY.</i> | <i>M. Stephanus CROCHET,
Chirurgiæ, Gallico idiomate,
Professor.</i> | <i>M. Franciscus THIERY, Eques,
Regis à salubri Confilio, Regii
Collegii Nanceii Socius hono-
rarius, Regiæque ejusdem Ci-
vitatis Scientiarum & huma-
norum Litterarum Academia,
necnon Buerrensis, ac Matri-
tensis.</i> |
| <i>M. Petrus DE LASERVOLLE,
Serenissimi Atrebat. Principis
Medicus Confiliarius.</i> | <i>M. Claudius-Ludovicus BER-
THOLLET, Academia Regiæ
Scientiarum Socius.</i> | <i>M. Anna-Claudius DORIGNY.</i> |

Proponebat Parisiis, CAROLUS NICOLAUS BEAUVAIS DE PRÉAU, Aure-
lius, Bituricensis Doctor, Aurelianorum Medicorum Collegio aggregatus,
ejusdemque Urbis à Regiâ Rei Agrariæ Societate, Regiæque Physices, Histo-
riæ Naturalis & Artium Societatis Secretarius olim perpetuò ordinarius,
Academiarum Divionensis & Rhotomagensis, necnon Collegii Medicorum
Nanceiani Socius, Censor Regius, & Saluberrimæ Facultatis Medicinæ Pari-
sienfis Baccalaureus. A. R. S. H. 1786.

AB OCTAVA AB MERIDIEM.

Typis QUILLAV, Saluberrimæ Facultatis Medicinæ Parisienfis Typographi.

